

SIAYĖKEMACA SIABAI KĖOJĖNA KAYAYE KUI'NE JĖNA, PAIYE KAWESOSE'EPI SIAYE TUTU PAYE JAI TSUTSUPĖA OMETĖKANA

NUĖNEREPA SIA'WE'ŅA CAHUESOSE'E MAI PAL KĖKOPAYE

Kaya jĖna kou KĖna ometĖkawĖ sia'we'ņa sewojĖ kui'ne canĖowĖ_si'aye pai paija'ņe tutukĖ'ye, iĭi kĖaye kato pai'ji iye ņese saieoni. Icona tsoe paikona ņajĖ, jaipai tsi'sisito kakua'i seņĖ iĭi toyapĖpĖ kĖawesojĖ'Ė sia'we'ņa, jamaka ņasiko paija'kore siapai, kui'ne kĖajĖ paija'cua'ire toyaja'o ye'yewe'ņaje, yeke pa'yea'Ė kajĖ ņaņeje peoye i_wa'i kuasajĖ nese'e yekĖ yeja pai.

Ja'a_wĖoko

Kase'epi de'oye, koņe kui'ne jeoņe payĖ jaje, sia'we'ņa ņase'erepare sa'nawĖ payĖ sia'yĖ'kĖ maka tutu, kui'ne sioma'ņerepare sia'pai tsĖkapĖ pai'ye.

Jaje paikĖta'a kuasayĖ ņama'ayepi kui'ne oima'ayepi, pa'iji sia'paire, japi ai jaiye ņese saniwesĖji pai pa'ijĖ kuasaye, kui'ne aijerepa kawesose'pi, jaje pa'ina kokase'e kayĖ de'oye pa'iyē kui'ne de'oye pa'iyĖ kuasajĖ sewoye.

Jaje paise're yure kato ņasikua'irepa kui'ne kĖkopakua'i pa'iyē pa'iji, kua'ye pa'ise'e jeoni paimakata'a pa'iyē pa'iji nejo ma'kua'i.

Jamakata'à ņese de'oyerepa ņese saiyĖ siwajĖ kui'ne pa'iyĖ yekĖwe'ņa ņasikua'irepa.

YekĖwe'na yejaņa kato de'oyerepa kuasani kuinaoni kanĖowesĖwĖ. Toya ja'wana pai tutukĖiwa'i paija'ne, de'oyerepa kui'ne iwa'irepa'Ė kajĖ, si'ayĖkĖmaka ĖmĖowa'i kui'ne nomiowa'ije koni, tsoe jaje pa'ina jeowesowĖ ai jai kore, de'oye pa'iyerepare kasikua.

Iye kuasaye cato sewosikua kadĖowesĖja'core, oiyerepapi si'aye kuasajĖ, tsi'sisikua'ija're kawesĖ ja'ņe, si'aye oiye kui'ne tutukĖ'yerepa pa'ija'ņe jamakata'a kuade'oye pa'iyē pa'iji pal.

Iye kato kuasase'ea'Ė si'aye tutupa'iyē, jaje pa'ina iye kato ai de'oyerepa'Ė iĭi ņese saija'ņere kuasajĖ sewowesĖse'ea'Ė.

Tsi'sini jai pai koka kako

JĖaye kawesoyĖ yure

Si'aye pai_tutu pa'iyē kĖawesosikua, ikore kato si'a daripĖa kui'ne jaiwe'ņaje nesaoye pa'iji, te'owa'imaņaje kui'ne kua'me kokaiwe'ņamaņaje, ņese saye pa'iji de'oye kajĖ, jamakata'a si'adaripĖa pa'iyē pa'iji de'oye kui'ne yeja pa'iyē conĭ kĖkojĖ.

Te'o ako kĖaye.

Si'apai aide'oyĖ kua'ye peoye kui'ne siayĖ'kĖ maka pa'iyē kui'ne tutupaye koni, jaje kuasase'sĖtepi kuaju'i'ne peoye ņese saiyē pa'iji koķaijĖ yekĖ paireje.

Kayaye ako kĖaye

Si'a pai payĖ tutu kui'ne kua'ye peoye yure ikore ai jĖaye kawesosido'ire, jaje pa'ina ņaņe peoji yekĖ paiņa'Ė kajĖ, iyeje pa'yere, pai, koka, iowa'i pa'iyē, kuasaye, pani iyese'e kayepaņĖ kuasia'ye pa'ye, kuri pa'ye, aideo'ye kui'ne kuasi'aye pa'iyē.

Kui'ne yekeje pajakua'ia'Ė kaye yeke iwa'i kuasayepi iyea'Ė kajĖ aijaidaripĖa sia'we'ņaje paniye yeja paiņeje iti paipi kuasajĖ neņe pa'iji, jai daripĖa kaye kato te'owaise're kaņeje pa'yea'Ė, iwa'ise'e kuasayepi neĭĖ.

Toasoņe ako kĖaye.

Teo'wa'ije payĖ de'oye tutu pa'iyē, kua'ye peoyeje koni, kui'ne kĖcojĖ pai_pa'iyē.

Kajese'e ako kĖaye.

Si'awa'i pa'iyē peoji kua'ye jĖaye pa'ye kajĖ, kui'ne kua'ye yo'okuaņuņeje peoji, iye kato Ėsese'ea'Ė sia'ye pa'ye.

Te'jĖtĖ ako kĖaye.

Jare si'apai kua'ye yo'okuaņoņe tipeoji, tĖ'caye, tseaņe, wanijeaņe paniye ai kuaye pa'ye.

Te'e jĖtĖ ĖjatupĖ kĖako.

Si'apai payĖ tutu, sia'we'ņa kui'ne ņakuaņuņeje pa'iji pai karepase'e pa'iyē.

Ėjatupė kėnope.

Si'apai pa'iyė sia'yė'kėmaca kui'ne payė yekua'ia'ė kaye peoye, jaje pa'ina Si'awa'i payė tutu karepaye akėpai_kė'ro. Jaje pa'ina mai_tutu payepi de'oye pa'iyepa'iji, tsoe ikore kawesosidoipi kokaiji kua'ye kaye peoye pa'ija'ñe.

Kayaye te'ejėtė ako kėaye.

Si'a pai tutu payė de'oye pa'iyere kuasajė yekėwe'ña sañupe kajė, mai_kase'pi kokaijakė kua'ye yo'oma'kuai'ni kajė mai tutu kė'ye paiye, jeje paina maire toyapėpėpi kakorepa pa'ijakė.

Te'e jėña Ėjatupė peoye kėako.

Jare peoji mal tsea kuañuñe.

Kaya jėña ako kėako.

Si'a pai payė deoye paiye, si'ayė'kėmaka paiye, jamakata'a sia'we'ña asasaoye pa'iji kui'ne oirepayepi kua'ye paise'eje carojaiye pa'iji kui'ne kuañeñe paiji neñañe paiji kuasia'ye pa'ye iti kase'e sa'ñe pa'iyė.

Kayajėña te'o ako kėako

Si'a pai kua'ye yo'o sikua'i payė tutu iwa'i yo'ose'e jayuta'a iti ñati'añe pa'iji do'ikė'ye, iñi kase'je paiye, kui'ne kaye paiji sia'we'ña jamaka kase'repa pa'iji tutu pa'ye.

Si'a pal peoji kua'ye paye painije siokuañuñe ja yuta'a ñati'ama'maka kato, jaje pa'iji tutu pa'ye yekė daripėa paiyeje. Jaje paina peoji maipi caye de'oye nede'waė'ėje pa'yere aijerepa kua'yena saiye peoye.

Kaya jėña kayaye ako kėaye.

Mai teowa'i paiye kato peoji kaye kua'maña'ė kajė ñese kaye, mai tsėkapėreje, mai paiwe'ñaje panije ise'e pa'ito peoji kua'aye neñeje peoji ipi kuasakė pa'iyė. Jaje pa'ina si'a pai_payė de'oye pa'iyė, jaje paina nejo jeoñe paiji kua'ye paise'e.

Kaya jėna kayaye te'o kako kėaye.

Si 'a pai_payė deoye daoye sia'we'ña kui'neje yeja pėañeje koni.

Si 'a pai payė tutu kuasi'adaripėa, ipaidaripė, jaje saisikėre ta'a ko'iyė pa'iji i mai_daripėna.

Kaya jėña Ėjatupė peoko ako kėaye.

Kue'kua'i pa'ito, sia'pai payė tutu kė'ye payė katiye paiji kuasia'yejaña, jamaka siwajė pa'iyė pai'ji iñi ku'ase'e.

Iye pa'ye kato peoji sa'ñe kua'ye neñe, kua'ye payena, panije sa'ñe kayeje peoji yekė jaiwe'ña pai yejaña'ė kajė.

Kaya jėña yekė jėtė ako kėaye.

Si 'a paije tutu payė pai paiyerepa

Jare peoji ėseye i pa'iwe'ña yeja akėre, yekeje tipeoji kaye yėkė pa'iñeje paijė'ė kajė.

Kaya jėña yekė jėtė te'o ako kėaye.

Ėmėowa'i kui'ne nomiowa'i, jayuta'a ėañawėomakapi tsoe payė tutu, kaye peoji kaje paiña'ė, iti pai'ė kajė wejaye, jamaka wejani siwajė pa'iyė pa'iji kuineje pa'iji jeokonni de'oye pa'iyė itibi jaje pa'ito.

Iwa'ise'e kuasajė kui'ne ėjėpaija'kėpi kuasani wejaye pa'iji.

Pai'tsėkapė Kato de'oye paiyere'pa'ė jaje paina ñacairepayė sia'we'ña akė pa'ije.

Kaya jėña yekė jėtėkayaye ako kėaye.

Si'a pai payė tutu pa'iyė yeja, te'iwa'i kui'ne si'apai de'otsėcapėa.

Jare peoji yė'ė tsekua yeja kajė ėseye.

Kaya jėña yekė jėtėkayaye te'o ako kėaye

Si'apai payė iwa'ise'e kuasaye, iwa'i paiye, iye Kato pa'iji si'aye nedewaye iti sewoye, kui'ne

koka kaye kuasia'ye sia'we'ña paiwe'ñana, panije te'owa'ise'e pa'iwe'ñaje koni, iti ye'yayepi, neñañepi, sewoyepi kui'ne ñasaoyepi, iyepi pa'iji maire de'oye saye.

Kaya jëña yekë nekayo beoko ako këaye.

Te'owa'ije de'oye payë iwa'ise'e kuasaye kui'ne koka kayeje, iyepi tsi'siji kua'ye pa'ije, josa kakuañujë paima'ñe kui'ne japi kawesorepaye pa'iji, yekeje kaye peoji ikoja'a pa'iji kaye, iyese'e kaye paji, kuasi'aye de'oye saija'ñere.

Jëña-nëkañua

Si'awa'i te'owaise'e tsi'sini koka kaye payë kuasia'hue'ña.

Jare peoji kuañeñe yekë tsëkapëna tsioni paiye.

Jëna-nëkañua - te'o

Si'a pai payë tsiojaiye mai akërepa kë'ro, ikë'rorepana te'repapi panije yekë paija're koni iti ñakëja're.

Si'a pai tutupayë si'ayëkëmaka paiye kua'me nedojaye mai paiwe'ña yeja.

Itidaripëa paikua'i kato payë sia'we'ña akua'i kayere, iye kato kokaiji kaji mai ëjaëwa'irepare mëojë saiye, iti mëoñe kato neñë yawese're, japi kokaiji de'oye karepayepi mëose'e.

Jëña-nëkañua kayaye

Si'a pai, ititsëkapëje paiwa'i payë kadëose'repare kuasi'aye kui'ne jaje pa'ina si'a akëpai kokaiye paiji, ja tutu do'ire kuasajë, jaje pa'ina tsoe kuasase'pi kuri pa'ie, kuasi'aye kui'ne maipaiye, iye kato mai kuasayepi nesaojë paiye paiji sia'yëkë maca pa'yepi .

Jëña-nëkañua toasoñe

Si'a pai payë kua'me nedojaiye kuasia'we'ña, iwa'i yëyepi tia'ñe paiji kua'meneñe, jaje paikëreta'a si'ayë'këmaka paipi, jaje paina kua'ju'iñe peoye kua'me newe'ña tra' ni, nejë pai'ye baiji, peokua'i pa'ie peoji.

Si'a pai payë kui'ne pa'ye tutu, jaje pa'ina kui'ne ja'ñe kua'meneñe ti'añe pa'iji.

Si'a pai kua'me neñe tutu payë kui'ne ja'ñe pa'yë, jaje pa'ido'irekui'ne ja'ñe kuri neñepa'iji, nede'huase'e pa'ina de'oye mai tsëcapëje deo'ye kuasajë baija'ñe, io paire kañeje paiye, yekebi karasiko pa'ito neti'añe pa'iji.

Si'a pai payë tutu iwai'pi kuasajë tsi'sini neñe, iwa'i yëyere.

Jëña-nëkañua Kajese'e

Si'a pai payë tutu kua pëawajëjë pa'ie, siwajë pa'ie ioja'ye kua'mene' ometëkawë tiä'seja'ye kui'ne iye pa'ie kato sa'ñeñe pa'iji.

Jëña-nëkañua jëtëna

Si'a pai payë mai paiye kadëose'repare, iye pa'yere, mai pai, jujukaiwe'ña kui'ne de'oye paiye sia'ye, ao_añe, kaña ju'ie, wë'ña pa'ie, juikua'ire jujukaiye kui'ne kuasia'ye, yeke payë kui'ne pa'ye kua'me newe'ña paiwe'ña peoye, juidawë, do'ima'pai, aipë maña, iyese'e paiyeje pani kuasia'ye iwa'i te'owa'i pa'iñeje pa'ye.

Kui'neje pa'ye etapë këiwa'i kui'ne tsi mana payë tutu de'oye kokaiyere. Si'a tsi wejani aidewasicoa'i panije kua aide'wakua'nusikua'i payë kui'ne pa'i tuture.

Jëña-nëkañua jëtëna te'o

Si'apai payë kui'neja'ñe totyaja'o ye'yeye. Toyaja'o ye'yeye kato peoji doiye ja'a ye'yehuëje pa'ye kato. Ja'a ye'yewëoye kato ai kuañeñe paijija'kua. Kui'ne toyaja'o nekaikua'repare kato ai jaiye nesao'se pa'ijakua, kui'ne aijerepa aye toyaja'o ye' yeye kato' kui'ne paiji sia'waire, io_ai do'iko do'ire.

Toyaja'o ye'yeye kato mai pai de'oyerepa pa'ija'ñea'ë, jaje paina toyaja'o kato itirepa'ë sia'we'ña mai kua'ju'ijë pa'ie, de'oye pa'iyë kajë, paire sa'ñe oijë koka kaye, japi pa'ina mai_ñese saiye pa'iji, siwajë.

Pëkaja'këpi ñani tseañe paiji toyaja'o ye'yeye i mamakëre kokaiyere kuasani.

Jëña-nëkañua jëtëna kayaye

Mai aipë ukujë paise'e sia paije payë ukuye mai pa'idaripëakë'ro, siwajë mai tse'a'ë kuasajë

kui'ne tideo'ye paito tia'ñepa'iji.

Si'a pai payë iwa'i yëyepi toyaja'o nesaoye, iwa'i kuasayepi, netijini jaiye toyapëpëa etosaoye, jaje paita'are te'owa'ise'e paye pa'iji iti toyapë akë.

Jëña-nëkañua jëtëna- toasone.

Iye maire carepawesose'e kato si'a pai tutu paye pa'iji yekë yejaña kë'roje ñase'repa, jaje paina itirepa pa'iyë paiji iye.

Jëña-nëkañua jëtëna kajese'e

Si'a pai payë maire kuañese'e mai pa'idaripë kë'ro, maipi de'oye nejë de'oye neto saji mai paiye.

Iye neñañekato mai këkopayea'ë kui'ne siwajë paiye, kato sia'pai paija'kua'ia'ë toyapë akëpai kase'pi, itikato kanëose're maire kokaija'ñere kui'ne oiye paise'e, kui'ne kuañeñe paiji iti mai kuasayese'e, kui'ne de'oye paiyére kajë sia'we'ña mai yëye pa'yere.

Iye tutukë'ye kato peoji yekua'ipi dekakaiye iti paiye kui'ne iti tsoe yekëwe'ñaje kase'e pa'ito.

Jëña-nëkañua jëtëna.

Jare iye kawesosikore jare peoji yekë paipi iwa'i kuasayepi dani nejë neño'o kajë nedojaye, paije te'e pai dani iye kato akëpai tsea'ë kajë kuasia'ye nedojaiye peoji, iye kato tsoe kawesosikore.